



## Publicaziuns officialas dils 09-11-2018

---

### Damondas da baghegiar

Nr. 103/2018

Datum da publicaziun: 09-11-2018  
Patrun: Ovra da gera e sablun Rabius SA, 7172 Rabius  
Liug e parcella: Igriu; 699  
Object: construcziun d'in mir da sustegn per igl access al rumpa-crappa

Nr. 105/2018

Datum da publicaziun: 09-11-2018  
Patrun: Repole Gerardino e Carla, 7172 Rabius  
Liug e parcella: Cavivens; 150  
Object: remplazzament da finiastras ed esch e sanaziun interna dalla habitaziun

Nr. 107/2018

Datum da publicaziun: 09-11-2018  
Patrun: Duff Alois, 7175 Sumvitg  
Liug e parcella: Cavischlè; 1563  
Object: remplazzament da barcuns da lenn cun barcuns da metal

Nr. 109/2018

Datum da publicaziun: 09-11-2018  
Patrun: Flepp Gion Michel, 7180 Mustér  
Liug e parcella: Curtinatsch; 3904  
Object: construcziun d'in tetg da stuors sur la veranda

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### Nr. 100/2018

Meinrad e Luca Degonda, 7172 Rabius; replazzament da finiastras dalla habitaziun el plaunterren dil baghetg nr. 700 sin parcella nr. 138 a Rabius-Catat.

#### Nr. 101/2018

Candinas Giusep artavels, 7173 Surrein; sanaziun mir schetg sin parcella nr. 835 a Surrein-Encarden.

#### Nr. 102/2018

Gion Mudest Candinas, 7175 Sumvitg; sanaziun dalla turera e sanaziun interna dil baghetg nr. 583B sin parcella nr. 5030 a Surrein-Pardatsch.

## **Votaziuns federalas dils 25-11-2018 mira pagina 3 da quest FUS**

### **L'urna ei aviarta** (en canzlia communal)

gievga e venderdis mintgamai duront las uras da spurtegl  
dumengia, ils 25-11-2018, dallas 10.00 – 11.00 uras

### **Sonda e dumengia, ils 24 e 25 da november 2018 mintgamai avon il survetsch divin en las fracziuns.**

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

### **Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 09-11-2018

*Biro electoral*

### **Exposiziun publica dalla repartiziun dils cuosts dalla sanaziun dalla Via Catat a Rabius**

Sebasond sin art. 9 dalla lescha da perimeter ha la suprastonza communal disponiu la repartiziun dils cuosts en connex cun suranumnau perimeter.

La repartiziun dils cuosts vegn cheutras exponida publicamein naven dils 9 da november 2018 duront 30 dis. Dils acts d'exposiziun sa vegnir priu investa sin canzlia communal duront las uras da spurtegl. A mintga pertuccau dalla procedura ei la repartiziun da cuosts vegnida communicada a scret.

Encunter sura repartiziun da cuosts sa vegnir protestau en scret e motivau enteifer il temps d'exposiziun tier la suprastonza communal.

Sumvitg, 09-11-2018

*Suprastonza communal*

### **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2018** digl onn precedent cul formular corrispudent tier l'administraziun communal. Nus supplichein per notizia da quest avis.

Sumvitg, 09-11-2018

*Cumissiun Greina Sumvitg*

### **Societad da tir Vial Sumvitg**

#### **Lotto a Sumvitg**

La societad da tir Vial Sumvitg beneventa Vus a siu bunamein tradiziunal lotto la dumengia suentermiezdi allas 14.00 e quei ils **11-11-2018** en sala da scola a Sumvitg. Ei spetga sin Vus sco adina fetg bials premis. Nus selegrien gia sin Vossa viseta. Cordialmein envida la Societad da tir Vial Sumvitg (Inserat)

### **Scolaziun dad utilisar in defibrillatur**

Sco vus haveis franc viu ha la vischnaunca montau en mintga vitg in defibrillatur. Saver duvrar endretg in tal apparat, sa spindrar veta!

Perquei porscha la vischnaunca a tut/tas interessent/as ina scolaziun en caussa. L'uniun samaritana Sumvitg-Trun organisescha la sera cun in'introducziun cumpetenta en la materia. Quei succeda entras teoria, emprova da reanimar e demonstraziun dils apparats.

La scolaziun ha liug mardis, **ils 13 da november 2018** dallas 20.00 uras en halla da gymnastica a Sumvitg.

Per saver organisar bein la sera, supplichein nus interessent/as da s'annunziar tier la canzlia communal Sumvitg (081 920 25 00 ni [info@sumvitg.ch](mailto:info@sumvitg.ch)) entochen venderdis, **ils 9 da november 2018**.

Igl ei fetg impurtont che bia personas san utilisar in defibrillatur. Perquei prendei la caschun!

### **Uniun sportiva Rabius USR**

**Invitaziun alla 77avla radunonza generala dumengia, ils 18 da november 2018** allas 17.00 el hotel «Greina», Rabius

Tractandas:

1. beinvegna ed appel
2. elecziun dumbravuschs
3. mutaziuns
4. prelecziun ed approbaziun dil protocol
5. rendaquen
6. rapport dils revisurs ed approbaziun dil quen
7. rapport annual dil president
8. elecziuns
9. rimnar pupi/cartun
10. program da lavur
11. fixar contribuziun annuala
12. propostas
13. varia

Suenter la radunonza offerescha l'uniun a tuts presents ina buna tscheina. A stedia participaziun ed in'emperneivla sera envida la suprastonza

### **Consorti da scola Sumvitg-Trun**

#### **Dis da viseta**

Nus envidein cordialmein als dis da viseta ellas scolas da Rabius e Trun. Quels han liug venderdis gl'entir di e sonda avonmiezdi, **ils 16 e 17 da november 2018**. Per evitar pli gronds disturbis supplichein nus las visetas da mintgamai entrar all'entschatta dalla lecziun e sortir alla fin dalla lecziun. Nus supplichein era da risguardar igl uorden e l'atmosfera d'instrucziun. Ils bus da scola curseschan sonda avonmiezdi sco usitau. Nus selegrein sin Vossa viseta. Las personas d'instrucziun cun scolaras e scolar